

E gran musico James Edgar Connor a fayece

ORANJESTAD-Den fin di siman mundo musical di Aruba a perde un di su gran pioneronan, den persona di James Edgar Connor.

Un homber inmenso den músico kende a convertí tocamento di steelband, den un arte fini.

Su fayecimento tambe ta bin laga un vacío grandi atras den un sector musical cu a ser limitá formalmente pa bandanan musical y brassband.

E problema mas grandi di e arte cu James Connor a haci popular, tabata e peso y magnitud di un steelband, cual a bira algo demasiado pisá pa un marcha di carnaval.

Connor no únicamente tabata bon conocí aki na Aruba pero na Hulanda el a acapará tremendo reconocimiento pa su gran talento cu su Aruba Steel Orchestra.

Cu el a tribi di yama un banda di barí "orquesta", ta muestra di su grandeza ya cu enberdad Edgar a convertí e música riba barí, den algun único, c'un sonido perfecto y su perfeccion a eliminá e parti "bruto" cu semper un steelband a representá.

Edgar Connor tabata un hende special y el a logra hopi riba terreno di musica, algo cu kizas nunca mas nos país lo yega na producí.